

Faruk Selmanović

Zastupnik u Skupštini Kantona Sarajevo

Kanton Sarajevo

Skupština Kantona Sarajevo

n/r predsjedavajući Skupštine Kantona Sarajevo

Uputiti:

- **Ministarstvo za nauku, visoko obrazovanje i mlade Kantona Sarajevo**
- **Rektorat Univerziteta u Sarajevu,**
- **Univerzitet u Sarajevu-Fakultet sporta i tjelesnog odgoja**
- **Ured za borbu protiv korupcije Kantona Sarajevo**

PREDMET: ZASTUPNIČKO PITANJE

Poštovani,

Prema dostupnim saznanjima da je Fakultet sporta i tjelesnog odgoja Univerziteta u Sarajevu, u postupku izgradnje bazena koji se nalazi u sklopu Fakulteta, počinio ozbiljna kršenja Zakona o prostornom uređenju Kantona Sarajevo.

Navedena kršenja utvrdila je urbanističko-građevinska inspekcija Općine Centar, koja je Univerzitetu u Sarajevu, kao investitoru, naložila da tehnologiju korištenja bazena u svim segmentima prilagodi odobrenju za građenje, odnosno izdatoj građevinskoj dozvoli. Kako Univerzitet u Sarajevu nije postupio po navedenom rješenju inspekcije, donesen je zaključak o dozvoli prinudnog izvršenja naloženih upravnih mjera, koje podrazumijevaju rušenje izvedenih građevinskih radova i prilagođavanje tehnologije korištenja bazena u svim segmentima u skladu sa odobrenjem za građenje.

Također, Komisija za tehnički prijem je u svom izvještaju konstatovala da dio radova na instalacijama vodovoda i kanalizacije, koji se odnosi na sanitarne čvorove i prateće prostorije uz bazen, nije obuhvaćen Izvedbenim projektom niti Dopunom izvedbenog projekta, na osnovu kojih je izdato odobrenje za građenje. Komisija je utvrdila da dio izvedenih unutrašnjih instalacija vodovoda i kanalizacije nije predviđen projektno-dokumentacijom za rekonstrukciju

bazena i dogradnju hlorne stanice, te da se, shodno Zakonu o prostornom uređenju Kantona Sarajevo, objekat ne može pustiti u upotrebu, niti se za isti može izdati upotrebna dozvola.

Uvažavajući činjenicu da se radi o veoma ozbiljnim kršenjima zakonskih propisa prilikom izgradnje objekta za koji se ne može izdati upotrebna dozvola, te da su time potencijalno ugroženi sigurnost i zdravlje korisnika, a posebno studenata, postavljam sljedeća **zastupnička pitanja**:

1. Da li Ministarstvo za nauku, visoko obrazovanje i mlade Kantona Sarajevo, Rektorat Univerziteta u Sarajevu i Fakultet sporta i tjelesnog odgoja mogu dostaviti **cjelovitu informaciju o svim fazama izgradnje bazena**, uključujući projektovanje, izdavanje odobrenja za građenje, izvođenje radova i tehnički prijem?
2. Koji su **konkretni razlozi i okolnosti** koje su dovele do kršenja Zakona o prostornom uređenju Kantona Sarajevo u ovom slučaju?
3. Da li su do sada **pokrenuti interni postupci za utvrđivanje odgovornosti** zbog navedenih kršenja zakona, da li su isti okončani, koja su lica identifikovana kao odgovorna i koje su sankcije eventualno izrečene?
4. Koje je **konkretno mjere** Ministarstvo za nauku, visoko obrazovanje i mlade Kantona Sarajevo i Rektorat Univerziteta u Sarajevu do sada preduzelo radi utvrđivanja odgovornosti, saniranja nastale finansijske štete Univerzitetu u Sarajevu, te sprječavanja ugrožavanja zdravlja i sigurnosti korisnika bazena?
5. Koje će **daljnje mjere** Ministarstvo i Rektorat preduzeti radi sankcionisanja odgovornih lica za kršenje zakona u ovom konkretnom slučaju?

S poštovanjem,

Faruk Selmanović, Zastupnik u Skupštini Kantona Sarajevo